

E paar Dag drop wor der Jesus widder en Kapharnaum.

Et woodt bekannt,

en wat för enim Hus hä wor.

Un et kome esu vill Lück zesamme,

dat dä Plaatz nit mih recke dät,

noch nit ens drusse vür der Dür.

Hä dät inne sing Botschaff verkündige.

Do brahte vier Mann ene Gelähmte.

Vür luuter Minsche konnte se dä nit bei der Jesus bränge.

Doröm mahte se e Loch en et Daach

un däte de Gelähmte mit ener Matt

ganz höösch nohm Jesus erunderlooße.

Wie der Jesus denne ehre Glaube soch,

saht hä för de Gelähmte:

Ding Sünde sin der vergovve.

Nu soße do ävver och e paar Schreffgelehte

un däte sich frore:

Woröm säht dä dat?

Hä deit der Herrgodd beleidige.

Wä kann eigentlich Sünde vergevve?

Nor der Herrgodd kann dat!

Met einem Uhr kräg der Jesus met,

wat se do am schwaade wore.

Dröm dät hä sich enmische un saht:

Wat sid ehr do am üvverläge?

Wat es einfacher ze sage:

ding Sünde sin der vergovve,

ov: stand op,

pack ding Matt un gangk he eröm?

Ävver domet ehr et gläuvvt,

dat der Minschesonn he op der Ääd Sünde vergevve kann,

sagen ich zo däm Gelähmte:
Stand op!
Pack ding Matt unger der Ärm un gangk heim!
Un der stundt op,
nohm sing Matt unger der Ärm un gingk erus.
Se all soche dat und wore ganz iggelig.
Se däte der Herrgodd lovve un sahte:
Esujet han mer noch nie erläv.

Dat es de Fruhbotschaff för hügg.